

Имде лий

Шочмо эл, порылык да чын верч!

Будь готов!

46-шо (3538) №,
2021 ий 12 ноябрь,
кугарня.



1933 ий 1 февраль годсек лектеш.

0+

Марий тўр – кугезынан поянлыкше



Кажне марий тўр – тиде кавадеке нёлталалтмаш, марий ўдырамашын кўргыштыжў аралалтше юзо моторлык, тудын Юмынўдыр гаяк улмыжыл ончыктышо художественный манифест.

Г.ШКАЛИНА.

Ожно кугезе кована-влак вургемыштым сылне марий тўр дене сўрастареныт. Кызыт ме нуным утларакше шондыкышто, тоштерыште, ончерыште веле ужына. Теве Марий Турек район Нартас школ-интернатысе «Марий тўр» кружокышто тиде сымыктыш дене изинек палдарат. Тудым А.Н.Ямбарцев вуйлата.

– *Ўдыр-рвезе-влак кугезе коча-кована-влакын поянлыкыштым, марий тўрым, шарнышт манын тыршена.*

16 ноябрь – Кидпашан тўнямбал кечыже.

Нунылан марий калыкын эртыме корныжо, йўлаже нерген каласкалена, шочмо тўвыра дек шўмандена, – ойла Анатолий Николаевич.

Кружокышко визытын коштыт: Даша Белова, Николай Алексеев, Миша ден Вася Басамыкинмыт, Родион Матвеев (снимкыште). Нуно марий тўрым ырес дене тўрлат. Тыге изи ўстелшовычым сўрастарат. Сылне арверышт дене конкурслакше ушнат да сенгышыш лектыт. Тугеже марий тўрын ончыкылыкшо уло манын ўшанена.

Х.АЛЕКСАНДРОВА.
Фотом школ архив гыч налме.

ПОДПИСКЕ

2022 ийын икымше пелийжылан «Имде лий» газетлан возалтса.

Ак – 369 тенгеат 12 ыр.

Индекс – П4696.



Квитанцийым редакцийышке колтыза да **ЛОТЕРЕЙ** модышышко ушныза.

Тўн приз – коньки.

Рекламе.



Фотом школ архив гыч налме.

Сенгыше радамыште

Ме, Усола школ пеленысе «Лүдыкшыдымылык школ» ушемш коштшо ўдыр-рвезе-влак, спорт туризм дене Марий Эл Республикын первенствыштыже вийнам тергенна (снимкыште). Тагасымаш Йошкар-Ола воктенысе «Корта» тунемме да тренировкым эртарыме базыште лийын. Марий Ту-

рек, Шернур, Кужанер, Курыкмари, Оршанке, У Торъял районла, Йошкар-Ола, Волжск ола гыч спортсмен-влак вий-куатыштым тергенят. Ме школнан да районнан чапшым сайын араленна да сенгыше-влак радамыш лектынна.

Александра ЗАЙЦЕВА.
Параньга район.

Икымше тунемме рүдер

10 ноябрьште С.Г.Чавайн лүмеш Национальный книгагудышто тунемме (грамотность) рүдерым почмо. Тыгайже Марий Элыште – икымше. Рүдерыште кажне кумылан ег шинчымашыжым яра келгемден кертеш. Руш йылмын историйже да ойыртежже-влак нерген пален

налаш лиеш. Лингвистике нерген книга-влак темлалгыт. Тыгак руш йылме нерген йоча, шанче, тунемме литератур, справочник-влак улыт.

Ончыкыжым тыгай рүдерым Волжск, Козьмодемьянск олаште, Звенигово, У Торъял районлаште почыт.

Л.ГРИГОРЬЕВА ямдылен.

Тоштерыште онай

Марий калыкын эртыме корныж дене Т.Евсеев лүмеш Национальный тоштерыште палыме лийым (снимкыште). Музей мотор, кугу. Могай гына экспонат-влак уке улыт?! Тушто марий калык вургемым, чодырасе янлык-влакым ужым. Йоча-шамыч, те могай музейште лийында? Тыланда мо келшен? Возен колтыза.

Артём ПЕТРОВ.
Йошкар-Ола, 19-ше номеран школ.



Фотом еш архив гыч налме.

Российысе увер

Москосо Сенгымаш тоштер 6 ияш да кугурак ийготан-влаклан «Нарисуй «Ёлку Победы» тўнямбал конкурсым увертарен. У ий открытым сўретлыман да victorymuseum.ru сайтышке 28 ноябрь марте колтыман. Сенгышым 10 декабрьште ойырат.

Кажне кумылан ег «Географический диктант» тўнямбал акцияшыке ушнен кертеш. Географий дене шинчымашым 14 гыч 24 ноябрь марте онлайн тергаш лиеш.

8-11-ше класслаште тунемше ўдыр-рвезе-влак, «На страже закона» всероссийский олимпиадышке ушныза. Икымше йыжын 31 январь марте онлайн эртаралтеш. Тўрыс уверым урюи.мвд.рф сайтыште лудса.

Марий Элысе увер

26-31 октябрьште Москосто йоча-влаклан кудывечысе футболын всероссийский фестивальже эртаралтын. Марий Элын чапшым Советский ден Красногорский посёлкыласе команде-влак араленыт. Рвезе-шамыч 4-ше верыш лектыныт.

20 ноябрьште Г.Константинов лүмеш руш драме академический театрыште руш театр-влакын «Келшымаш кўвар» XVIII тўнямбал фестивальышт почылтеш. Тудо 29 ноябрь марте шуйна.

«Ўдырсий» регион-влак кокласе конкурс тений онлайн эртаралтеш. Тушко 18-25 ияш ўдыр-рвезе-влак ушнен кертыт. Йодмашым mari-centr_konkurs@mail.ru электрон адрес дене 12 ноябрь марте колтыман.



Йоча-влак ача-аван ончылышт шинчыме годым лудшо евыш савырнат.

Э.БУХВАЛЬД.

Йочам лудаш изинек кумылангдыман. Тудо лудмо гоч шонаш, порылыкым осал деч ойыраш тунемеш. Герой дене пырля куана, ойгыра. Тыге книга лудшын йолташышкыже савырна да акшым нигунам огеш йомдаре. Пошкырт кундем Калтаса район Калмиямучаш ялысе книгагудышто лудшо-влак эре улыт. Вудышӧ библиотекарь Р.Т.Кубатуллина (снимкыште) нуным кажне кечын вашлиеш.

– *Йоча-влак могай произведенийым утларак лудыт?*

– Книгагудышто индеш тӱжем утла книга аралалтеш. 430 лудшына уло. Ёдыр-рвезе-влак школысо программе почеш произведе-

денийлам утларак налыт. Шкаланышт келшыше уверымат кычалыт. Йомакым, фантастике сынан книгама йӧратыше ятыр уло. «Ямде лий», «Кугарня» газетлам, «Ончыко» журналым шергалыт. Марла книга шуко огыл гынат, йодыт,

– *Раиса Тимофеевна, книгагудышто 32 ий пашам ыштеда. Могай вашталтышым шижыда?*

– Ондакысе дене танастараш гын, илыш чот ончыко каен. Туге гынат, сомылна тудак

Книга акшым ок йомдаре



#Книгагудо—чон_поянлык_рӱдер

кодын: лудаш кумылангдаш. Йоча-влакын вашталтмышт палынак шижалтеш. Кызыт телефон, компьютер дене утларак пайдаланат.

– *Туге гынат, тӱрлӧ йӧным кучылтын, йоча дене вашкылым ыштеда.*

– Книгагудо лудмо да каныме вер лийже манын тыршена. Тышке толшо кажне ег чонлан келшыше пашам мушаш. Арня еда могай-гынат мероприятийым эртарена. Акцийлаш ушнена,

ончерым келыштарена. Патриотизм шагатым, шочмо йылме арням эртарена. Марий серызе-влакын лӱмгечышт вашеш произведенийыштым лудына. Йоча-садыш коштышо нӱога-влак-лан «Зелёный дом» экологий кружок пашам ышта. Кидпашам йӧратыше-шамыч «Хозяюшка» кружокыш коштыт. Кугыен-влак дене пырля ёдыр-шамыч пидаш, ургаш тунемыт.

лудыт. Шкенан фондышто лудшын йодмо книга уке гын, районысо книгагудогыч кондена. Мыланна кажне лудшо шерге.

Кызыт тӱрлӧ ийготан йочалан келыштарыме мотор сӱретан книга-влак улыт. Лач лудаш гына ӧрканыман огыл.

Е.ИВАНОВА мутланен.

Фотом книгагудын архивше гыч налме.

КУЛЬТУРА
НАЦИОНАЛЬНЫЕ
ПРОЕКТЫ
РОССИИ

«Культура» нацпроектын «Культурная среда» федерал проектше почеш 2022 ийыште Марий Эл Республикысе кок книгагудо модельный радамышке ушна. Оршанке районысо Я.П.Майоров-Шкетан лӱмеш рӱдӧ библиотеке ден Советский районысо А.С.Крупняков лӱмеш рӱдӧ книгагудышто олмыктым пашам ышташ, книга фондым пойдараш, технике ден арвер-влакым уэмдаш тӱнгалыт.

Увер

2022 ийыште
Российын 78
регионыштыжо 239
модельный книгагудо
почылтшаш. Ий
мучашлан 850 биб-
лиотекем (тышеч
визытше Марий
Элыште верланен)
уэмдышаш
улыт.

Российыште икымше книгагудым XI курымышто почмо. Но тушко кажне ег пурен кертын огыл. Кугыжанышым Петр I вуйлаташ тӱналмеке, ег-влак книгама аралыме верлаште шинчымашыштым келгемденыт. 1714 ийыште Петр I кӱштымыж почеш Российысе науко академийын библиотекежым почыныт.

Палаш онгай



Фотом гимназийын архивше гыч налме.

Я.Ялкайн лүмеш

25 октябрыште уста серызе, шанчызе Я.Ялкайнын шочмыжлан 115 ий темын. Тудым шарныме лүмеш «Мый поэзий верчын шкемым шым чамане...» сылнымут да сем композицийым гимназийыште эртаренна (снимкыште). Ёдыр-рвезе-влак поэтын почеламутшо-шамычым сылнын лудыныт, муру-влакым йонгалтаре-

ныт. «Мыйын вием мынярлан сита, Совет Родинын чапше лүмеш тунаре пашам ышташ тўналам», – ойлен тудо. Меат, самырык тукум, Я.Ялкайн гай лийшаш улына: ушан, чулым, лўд-дымў, шочмо эл, калык верч шогышо.

А.Л.ЛЮЗУКБАЕВА,
туныктышо.

Пошкырт, Мишкан, Чорай.

#У книга шўрлык



Н.Ильинан у книгаш-кыже модыш сынан физкульт-минутко-влак пурталтыныт.

Нуно урокышто йоча-шамычым кандараш келыштаралтыныт. Йочасадыште, школышто тыршыше воспитатель ден туныктышо-влакклан – сай методике полыш. Книгам «Ямде лий» газет редакцийыште налаш лиеш.

Палаш онгай

Персийын визирже Абдул Кассим Исмаил тора кундемышке кайымыж годым чыла книгажым, 117 тўжем, пеленже коштыктен. Нуным 400 верблюд шупшыктен. Кажне тўе посна буква дене тўналше книга-влакым нангаен. Верблюд-влакым алфавит радам дене шогалтенит.



Уста мутмастар

Марий писатель С.Г.Чавайнын илыш корныжо да творчествож дене ме, йоча-влак, изинекак палыме лийына. Мутлан, мыйым куд ияшем годым мутмастарын «Эрдене» почеламутшо дене авам палдарен. Тиде сылнымут йоча-влакым сайын тунемаш, пўртўсым эскераш да йўраташ кумыланда. Почеламут куштылгын лудалтеш да писын шарналт кодеш. Садланак «Чавайн лудмаш» районысо конкурслан наизусть тунемынам да кумшо вер дене палемдалтынам.

Морко, Коркатово.

Полина АЛЕКСЕЕВА.

Акаже кумылан ден

– Мый шочмо мланде, ава нерген сылнымутым лудаш йўратем. Михаил Якимовын усталыкше чонемлан лишыл. «Ял шенгелысе чоҥгашке кўзен» почеламутшо келша, – ойла Параньга район Усола школын 8-ше классыштыже тунемше Аня УСОЛОВА (снимкыште). – Яков Павлович Майоров-Шкетанын чыла гаяк мыскара ойлымашыжым лудынам. Нуно кумылым нўлтат да ожнысо илыш дене палдарат.

Аням Анфиса акаже почеламутым лудаш изинек кумылан ден. Тиде койыш ёдырым марий книгам шергалаш да конкурслаште мастарлыкым ончыкташ таратен. Аня акажын возымо «Усола ялем» почеламут дене тўрлў конкурсышко ушнен да ятыр гана сеныше радамаш лектын.

Х.АЛЕКСАНДРОВА.

Фотом еш архив гыч налме.



#Лудшо_ен_ончылген

Акростиш

Ямле Чорай кундем гыч
Лектын марий поэт!
Коштын ондак тысе школыш,
А вара вик пашаш: мом ыштет?!
Еш лийын кугу да пашаче,
Вич икшыве – ўшанле ваче.

Яныш ыш лўд нимо дечын,
Неле ыш керт чактарен.
Ыштышыс писарьлан ончыч,
Шўм вошт шомакым колтен.

Ялысе рвезе кугорныш
Лекте утлен тулык деч.
Кайыш Москваш, студент ешыш,
Ангысыр корным тошкен.
Ен дене пайлыш лош ойгым,
Вуйым ыш кошт кўш нўлтен.
Илыш моктен шочмо элжым,
Чон пеленжак йышт ашнен!
Ксюша ЗАЙНАШЕВА.

«Преступление и наказание» роман почеш **Тест**

- 1. Роман мыняр ужашан!**
 А) Эпилоган кок ужаш. Б) Ныл ужашан.
 В) Куд ужашан. Г) Эпилоган кандаш ужаш.
- 2. Раскольниковын ончыкылык профессийже.**
 А) Туныктышо. Б) Врач.
 В) Юрист. Г) Физик.
- 3. Дуня кӧлан марлан лектын!**
 А) Лужнинлан. Б) Порфирий Петровичлан.
 В) Разумихинлан. Г) Свидригайловлан.
- 4. Романым икымше гана кунам савыктыме!**
 А) 1862 ий. Б) 1860 ий.
 В) 1864 ий. Г) 1866 ий.
- 5. Раскольников йонгылыш пашам ыштымыж нерген кунам ӧкынаш тӱнгалын!**
 А) Лизаветам пуштмыж годым. Б) Аваже колымеке.
 В) Черланымыж деч вара. Г) Сонялан ойлымыж деч вара.

#Лӱмгече

Лӱм: Фёдор Михайлович Достоевский.

Шочын: 1821 ий 11 ноябрьште Моско олаште.


Тунемын: тӱнгалтыш шинчымашым ача ден аваже пуэныт. Моско пансионшто, Санкт-Петербургысо Инженерный училищыште шинчымашым поген.

Произведенийже-влак: «Идиот», «Преступление и наказание», «Братья Карамазовы» роман-влак, «Маленький герой», «Ползунков» ойлымаш, «Слабое сердце» повесть да молат.

Паша: Миша изаж дене пырля «Время», «Эпоха» сылнымут да политик журнал-влакым луктыныт. «Гражданин» газет-журналын тӱн гедакторжо лийын.

Онгай факт: Н.М.Карамзиннын «Истории Государства Российского» шуко томан сочиненийжын кажне ужашыштыже мо нерген ой-лалтмым да эпизод-влакым 10 ияшыж годым сайын пален.

Руш писатель Ф.М.Достоевскийын шочмыжлан — 200 ий.




Сенгыше улына

Марий литературлан негызым пыштыше С.Чавайнын шочмо кечыже вашеш Морко районышто «Чавайн лудмаш» поэзий конкурс кажне ийын эртаралтеш. Тений онлайн ушненна. Ӱдыр-рвезе-влакым конкурслан Н.В.Анисимова ямдылен. Мый шке гыч возымо «Чоя шыже» почеламутем дене 1-ше верым налынам. 3-шо классыште тунемше Мария Николаева почеламутым сылнын лудмо дене сенгышыш лектын. Николай Яковлев (5-ше кл.) мыскарам лудмыж дене 3-шо лийын.

Ксения БУТЕНИНА.
 Морко, Эгерсола.

Чоя шыже

Шыже кече пеш чоя,
 Кажным тудо ондала:
 Йӱштӧ, шокшо я ояр...
 Мом гын толаша,
 ала.



Теве пыл кавам авалтыш,
 Вӱдым мландышке шавалтыш.
 Ик эрдене, каваршаш:
 Вӱдым ийыш савырышат!

Мый ом шинче ойгырен.
 Шыже пеш куандарен:
 Пӧртйымалым пойдарен,
 Шурно идымым темен.

Сылнын лудыныт

Медведево район Руэм школышто «Шӧртньӧ шыже» почеламутым сылнын лудмо конкурс эртаралтын. Тушко кумшо классыште тунемше-влак ушненыт. Йоча-влак А.Пушкинын,



Фотом книгагудын архивше гыч налме.

И.Бунинын, Б.Пастернакын, А.Фетын, С.Есенинын, Ф.Тютчевын, Е.Благининан почеламутыштым лудыныт. Икте артист койышыж дене куандарен, весе кужу почеламутым тунем кертмыж дене ӧрыктарен. Анна Смирнова икымше верым сенен налын. Анна Бажина ден Тимофей Охотин кокымшо верым пайленыт.

Л.Г.ПАВЛОВА, туныктышо.
Н.В.ИВАНОВА, книгагудо пашаен.

Палаш онгай
 А.М.Горький ик минутышто 4000 мутым лудын. Икмыняр кечыште шуко книгагуд лудын пытарен да кажныжын содержанийжым каласкален керттын.





Еш дене лудына

Шўлыканышыже кече. Сур пыл-влак канде кавам леведыныт, мардеж юалгын пуалеш. Тунемше-шамыч молгунамсе семынак школышко вашкат. Лена поснак йывыртише. Тудын тач шочмо кечыже. Ты кечынак полиций паша-ен-влак пайремыштым палемдат. Тидын лўмеш уремыште йонгышо марш ўдырын кумылжым утларак нўлтале.

Ленан капкылже моло йоча-влакын деч ойыртегалтеш: кугурак капан, лопкарак туп-вачан, кўжгырак. Тудым тора гычак шекланаш лиеш. Йўкшў изи колян гай огыл. Пелешта гын, торашке йонгалтеш. Йолташыже-влак деч ойыртегалтмылан кўра школышто шуко огеш кутыро, шып шинча.

Таче аваже Леналан у сарафаным чияш кўштыш. Такшым тудо вургемым чийыме денат моктанен огеш керт. Аваже школышто йолташыже-влакым сийлаш эн тамле кампетке-влакым пуэн колтыш. Ўдыр школ омсам почын веле шуктыш, шўмжў тук-тук перкалалаш тўнале. У вургемым ужмеке, мом каласат? Тиде шоньмаш Ленан чонжым утыр тургыжланаш тарата. «Молан вожылаш? Сарафан мотор, у!» – шоналтыш да, шуко шоныде, классышке

пурыш. Парт ўмбакаже книгам, тетрадьым, дневникым, пеналым луктын пыштыш, вара гына – кампеткым. Тидым пырля шинчыше Марина шекланен шуктыш: «О-о, таче шочмо кечет вет?!»

Алевтина БОГДАНОВА

Шочмо кече

Ойлымаш



Саламлем!» Лена пуйто ылыже да эрдене лекше чеве кече гае шыргыжал колтыш. Вара кажне тунемшылан кок кампетке гыч пуэдыш. Ўдыр-влак тауштышт, а Ваня ден Андрей молгунамсе семынак игылташ тўналыгыч. Иктыже Ленан пеналжым нумал куржо. Весыже, ўдырын ваче гоч

кечыше ўппунемжым шупшылын, кугу йўкын воштылын, класс гыч лектын кайыш. Ўдыр капше дене рвезе-влак деч кугурак гынат, чонжо мамык гай пушкыдо улмаш. Игылт-машым чытен кертде шортын колтыш.

Уроклан йонгалтше йынгыр Ленам утарыш. Классышке туныктышо пурыш.

– Салам лийже! Шичса, – шыман пелештыш Екатерина Сергеевна да кажныже ўмбаке тўткын ончале. – Тачысе уроклан ямде улыда?

– Лена ямде. Таче тудын шочмо кечыже, – шентел парт гыч Ваня воштыл пелештыш.

– Ваня, молан игылт воштылат? Тўняште могай гына калык огеш иле?! Ме икте-весе деч коваштына, койыш-шоктышна, капкылна дене ойыртегалтына. Парня ден парня икгай огытыл. Ўдыр-рвезе-влак, икте-веседам пагалаш кўлеш. Лена, шочмо кечет дене. Шкендым йўрате, акле, эсогол моло-влак тыйын шинчашкет ончалаш вожылышт, – туныктен каласыш Екатерина Сергеевна.

Туныктышын шўртнўо гай шомакше-влак деч вара тунемше-шамыч лыпланышт. Рвезе-влакат титакан улмыштым умылышт. «Нелеш ит нал» манын ойлен, шочмо кечыж дене саламлышт. Екатерина Сергеевна вара гына марий йылме дене урокым тўнале.

Н.ЛАВРЕНТЬЕВАН
сўретше.

Ойлымаш

почеш йодыш-влак:

1. Лена эрдене эрак молан йывырген?
2. Ўдыр моло йоча-влак деч мо дене ойыртегалтын?
3. Школышко кампеткым молан нангаен?
4. Ваня ден Андрейн койышыштым кузе акледа?
5. Ленам игылтмаш деч кў утарен?

Йоча-влак, ойлымаш нерген шоньмашдам редакцийышке возен колтыза.



Туныктышо ден тунемше-влакым пагалыман. Лўмдылман да игылтман огыл.

Перемене жапыште уто йўк-йўаным лукман огыл.


Чылашт дене салам-лалтман.

Школышто шкем кузе кучыман!

Урокышто кутырыман огыл.

Урок жапыште лекнеда гын, кидым нўлталын йодман.





Петр I – 350 ий

XVIII курым тўналтыште Петр I этикет нерген икымше книгам ямдылыктен. Тудо йоча-влаклан пӧлеклалтше икымше руш книга лийын. «Юности честное зеркало, или Показание к житейскому обхождению» книгаште ешыште, унала кайымеке, тўшка верлаште,

службышто шкем чын кучымо нерген кагаш-влакым савыктыме. Уремыште, үстел коклаште, икте-весе дене мо нерген да кузе мутланыме шотышто умылтарыме. Мутлан, ача-аван да кугурак-влакын мутыштым кольыштыман, ойыштым лугыч ыштыман огыл. Йодышыштыман ваимутым рыл шоген пуыман. Торжан мутланыман огыл. Самырык ел писе, пашам йӧратыше, жапым моштен кучылтшо лийшаш.



Фотом еш архив – Гыч Налме.

Кажне кечын ме пырля Ыштена зарядкым: Катя, Ваня, Кавырля. Мый ўжам чылаштым. **Артём ЧАГИН.** Медведево, Новый посёлко.

Рекламе.

М. ШКЕТАН ЛҮМЕШ
МАРИЙ КУГЫЖАНЫШ
ДРАМЕ ТЕАТР

14/11 11:00

СКАЗКА 0+
КАША ИЗ ТОПОРА

КАССЕ 8(8362) 78-13-78 SHKETAN.RU

Ноябрь – корныдымо пагыт: то лум, то лавыра – ны оралан, ны терлан калш ок лий.

Ноябрь – телын капкаже.

Калык пале-влак.



Изи озавате «Тамле» кампетке

Кўлыт: 60 грамм кукуруз панга, 5-6 кугу совла сгущёнка, пел изи совла ушкал ўй, 100 грамм кокос стружко, жаритлыме арахис.

Кукуруз пангам мясорубко гоч колтена. Левыктыме ўйым да сгущёнкым пыштен лугена да холодильникыш ик шагатлан шындена. Вара тыртышым ненчена. Кӧргышкыжӧ арахисым пыштена да кокос стружкеш пӧрдыктена.



Ӗрыктарыше вий

Шыже кече. Йӱр йӱреш, вашке лум мландым леведеш. Ме, йӱрым ончыде, шочмо кундемысе пӱртӱсым куанен ончен коштна. Элнет серышке кеч-могай игечыште лекме шуэш. Кажне гана могай-гынат вапталгышым шекланена. Энер йоргыктен йога, пуйто ала-кушко вашка. Вӱдшӧ могай яндар. Пӱртӱс – тиде ӧрыктарыше вий: эре шкеж деке ўжеш.

Марина СТЕПАНОВА.
Волжский, Упшер.

16 ноябрь – Полдышын тўнямбал кечыже.

Ожно полдышым аралтыш семын кучылтыныт. Тўрлӧ семын ургымо полдыш пиалым конда, шоненыт. Теат терген ончыза.



Келшымашым пенгыдемда.



Оксан лият.



Шижын моштымашет виянгеш.



У йолташым вашлият.



Тазалык ден моторлыкым сӧра.



Пашаште сенымашке шуат.



Йӧратымашым вашлият.



Усталыкет виянгеш.



Илышет улан лиш.



Чылажат тыйым куандара.

«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.

https://vk.com/yamde_lii
<https://ok.ru/yamdelfii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.rf

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Кугарня» газет» кугыжаныш унитарный казна предприятий.

Газетым редакцийыште пегымо да версталыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.
Номер – ПИ № ТУ52-01335,
2021 ий 29 сентябрьыште пуымо.

0+

Печатьыш пуымо жап – 14-00, фактически – 13-00

Авторын да редакцийын шонымашышт тўрлӧ лийын кертыт. Серыш-влак мӧнгеш огыт колталт. Ак – кутырен келшыме почеш.

Редакцийын да издательнын адресше: 424006, Йошкар-Ола, СССР Вооружённый Вийын 70-ше идалыкше урем, 20-шо пӧрт. Тел. 8(8362) 45-22-82(факс)

Шотлыза.



Конкурс

Мый моштем



Сүрөтүм чиялтыза.



Ўмылка-влакым муза.



Писылудыш-влак

Кавырля кевыт гыч краплям конден.


Латкок подкогылым тодылым.

Орол, Олорым ороло.

Пыш-пыш поездна шем шикшым шенгек шикшен.

Шым шем пырыс шӧлдыраш-те шинча.

Ик шырпым верже дене ваштал-тен, чын вашмутым ыштыза.



Коробкаште кум нарынче да кум йош-кар шарик лийын. Рвезе ныл шарикым налын. Тудын дене кажне тӱсан мыняр шарик лийын кертын? Кум тӱрлӧ вашмутым пуыза. Коробкаште мыняр шарик кодын?

Задаче



Шылтыме цифрым пален налза.

– Вова, эрла шко-лышко ача-ават деч посна ит тол!

– Кумышто шкетын толаш лиеш?



Интернетысе сүрөт-влакым кучылтмо.